

唐 道宣律祖著

宋 元照律師記

弘一律師題科標圈參議

二埋法師題科標圈參議

四分律羯磨疏濟緣記

○次明道眾受戒法。
初牒章分科。
一隨科別釋。二初標舉宗致。三初總舉。

二別釋。七初出家元緣。
二初標。

二釋。三初引教正明。

四分律刪補隨機羯磨疏濟緣記卷第十一

宋餘杭郡沙門釋元照述記

次明出家授戒法。就分爲二。初標舉宗致。二隨相解之。初義七門。如文所列。

次明道眾標舉宗致。總舉中。次列七門。統明出家始終行相。學者至此。當須自檢。若唯徒說於己。何益。說食數寶。目擊多矣。

一明出家功由菩薩者。

初門標云。菩薩者。卽指釋迦因行爲言。

如華嚴偈。若有不識出家法。樂著生死不求脫。是故

菩薩捨國財爲之出家求寂靜。五欲所縛不離家欲令眾生解脫故。以此文證眾生無始纏著家屬無思解脫故。大士引出於世。

釋中初科華嚴二偈。前偈爲不識故立法示之後。偈爲著欲故方便引之。初偈上二句示不識之過。下二句明立法之相。捨國財者。菩薩在家爲王太子。次紹王位。國城財寶一切自在。欲明難捨猶須捨之。況餘凡庶不足戀矣。寂靜卽涅槃果。後偈初句示著欲。下三句明方便。文略下二句。具云示現不樂處五欲。是故出家求解脫。以下疏家結顯推。

二就機對辨二初明利
鈍不同

功歸佛

此據常沒下凡隨欲有者廣如郁伽長者涅槃經中
家及非家相比顯過方起欣厭得預法門有大利機
心希拔俗雖形在俗性無恆固不在言限故淨名言
汝但發心便是出家便爲具足是也

次就機中初科初明鈍根此據等者斷上文也郁
伽長者經穢居品云居家菩薩當知在家穢汚之
事常念作故名爲居家斷諸善根本是名居家乃
至居家如羅網如毒蛇如火燒身等涅槃云居家
迫窄猶如牢獄一切煩惱由之而生出家寬曠猶

如虛空。一切善法由之增長。若在居家。不得盡壽。淨修梵行。我今應當剃除鬚髮。出家學道。有下次。明利根。心希拔俗等。謂居塵不染者。固卽是定。淨名卽維摩經。梵云維摩詰。此翻淨名。彼因諸長者子問云。我聞佛言。父母不聽。不得出家。維摩詰言。汝等但發阿耨多羅三藐三菩提心。卽是出家。卽是具足。爾時三十二長者子。卽發菩提心等。以佛令剃染受具。本爲發大道心。旣已發心。何須出受。故云卽是。此言乃被上達圓機。末俗凡流。無宜倚濫。

二歷四句以簡

三引誠初修三初斥
濁世不修

就分四句。既出從道。志求解脫。心形俱出也。雖形附道。而心沈世。形出心沒也。如淨名說。心出形沒也。耽滯五欲。縛著居家。俱不出也。

次文。初後二俱句。中間二互句。初句從道是形出。求脫卽心出。若以兩根對四句者。初句兼收利鈍。鈍者因形而發心。利者起心而從事。第三句唯利。二四兩句。則非所論。

然世濁惑深。厭苦求樂。初雖欣出。終墜欲海。不修行業。故徒行也。

三引誠中。初科。初示時機。謂厭在家營趁之苦。求

出家供給之樂。卽涅槃云。爲衣食而出家者。初下
次明退墮。詩云。靡不有初。鮮克有終。卽斯類矣。徒
行。謂出家無益也。

如智論云。六情根完具。智鑒亦明利。而不求道法。唐
受身智慧。禽獸皆亦知。欲樂以自恣。而不知方便。爲
道修善事。旣已得人身。宜勉自利益。不知修道行。與
彼亦何異。龍樹引誠爲極言也。聞而不行。猶是不聞。
今重引告。何得不用。

次科論文三偈。初偈。上二句明報勝。下二句嗟不
學。六情根者。情卽是識。謂根識無缺也。智能鑒物。

故云智鑒唐虛也。身對初句。智慧對次句。次一偈。舉況畜是癡報。但知欲樂。卽經所謂但念水草。餘無所知也。後一偈中。上半合初偈。下半合次偈。龍下結告勸。依必應此偈。出在他經。故云引誠以畜況人。爲誠深切。故云極言。

道行何耶。一切無染者是也。良由眾生無始封著。是此是彼。是得是失。因之起染。纏縛有獄。故世鈍者多著財色。少有利者多貪名。見四科束之。慙不收盡。終歸死去。何事迷乎。

三。中初示道行。以偈文未顯。故特徵示。用開心路。

一切之言通收善惡塵境染惡則增業染善則成障能於日用所行所學觸境無染無染之智卽是般若背塵合覺絕縛入道必始於此深可體究慎勿誦文良下反釋所以又三初示染本封著是貪愛此彼得失卽分別由斯二種輪迴不息能離此者卽名道行非別有道故下云道在虛通達累爲本是也故下次舉世情財收八穢色乃荒姪名謂虛聲見卽妄執上二常流所著故爲鈍下二學者所求故爲利此且一往分之然有具四或復互輕不必一定尠猶無也終下重誠凡在同徒用斯自

二有蓋超世三初標
二釋三初明立法本意

二引諸教明功三初華
手經

照有一于是未脫輪迴且聽教參玄爲人軌範反
乃積財荒色諍見沽名跡混世塵不思出要形出
心沒何所利乎

二明出家超世者橫約諸有無思離染故須出家樂
處閑靜若有貪著終成金鎖引出方便唯斯一道

第二門釋中初科初示立意約謂約絕若下次遣
滯著謂不知方便住於閑靜故以金鎖以喻法縛
引下三點權道

如華手經有四法轉身卽在善來比丘蓮華化身現
增壽命一者自樂出家亦勸助人令欣出家二求法

無倦亦勸他人三自行和忍亦勸他行四習行方便深發大願隨有功利至時引付。

次科華手經轉身卽生報也善來比丘謂值佛得戒者蓮華化生卽生佛淨土者現增壽命卽現報也。下列四法前三並自行勸他後一卽化他行願正取初法餘三連引隨下囑令廣述引付謂引以付他。

又如出家功德經若能放人出家受戒功德無邊譬如四天下滿中羅漢百年供養不如有人爲涅槃故於一日夜出家受戒謂由前施雖多有竭是欲界繫

二出家功德經

古今本作羅漢。今由通

爲法出家。非三界業。故說過前。又云。縱起寶塔至忉利天。亦劣。出家功德者。一時欣出。雖未可數。然其積微。是高勝本。前供無學功德未多。後以供佛。情謂大勝。然終事供。淪歷下地。判非靜業。何有相勝。

次功德經。初歎德。譬下次引喻有二。初供聖喻。前引經。謂下出意。有漏有竭。無漏無窮。優劣可見。又下。二寶塔喻。前引經。忉利天在須彌頂。一下示意。初明勝劣。前下顯重喻。佛僧雖異。事供不殊。二皆非勝。下地卽欲界。靜業卽禪定。尙非上二界之定業。況無漏聖業乎。

智論云。出家人疾得解脫。如華色尼說。廣緣如鈔。至時引證。

智論彼引蓮華色比丘尼本生經云。佛在世時。此尼得羅漢果。後化諸婦人出家。女云。我等持戒。爲難。恐破戒墮獄。尼云。墮者從墮。久有出期。我昔曾爲戲女。因著袈裟。至迦葉佛時。乃得出家。由破戒故。墮獄。今值釋迦佛。卻得出家解脫。以此證知。若都不出家。寧獲聖果。下指如鈔。卽沙彌篇。

三障出有損者。如出家經。爲出家者而作留礙。抑此人。斷佛種故。諸惡集身。猶如大海。現得癩病。死在

三障出有損。初標。
二釋。

四行凡罪行二初標
二釋二初明罪本

閻獄無有出期。

第三門引經亦卽出家功德經諸惡集身等謂業深廣。故喻如海。癩病墮獄卽現生兩報。

四明出已乃行凡罪。據論罪本皆由事縛。不思厭背師心妄造。如大寶積經出家二縛。謂諸見利養也。如律緣制由名利故。使生有漏。因制諸戒爲防罪業障三塗也。

第四示罪本中初正示。言事縛者卽上四科。因之生罪。故爲罪本。如下引示寶積諸見卽人法兩執。利養謂所須四事。律緣卽舍利弗請佛制戒佛言。

二明造惡初指世重
誠

我自知時未得利養過漏未起後須提那等皆由
利養豐盈向道心薄遂生過漏故知名利毀戒之
緣欲脫死生深須遠離

今世出家翻種苦本不畏沈溺多起下業故彼文云
又有三癰謂求見他過自覆己罪同諸行者知來實
苦決定現世不造苦因如知火燒湯爛無有納手足
者佛說罪事深宜遠離以不信所燒隨心造罪更增
俗人

次造惡中初科初傷時眾業能生苦故云苦本出
家脫苦今既造業故云翻種下業卽三途因故下

二引教對證三初十誦律

次引文示。卽是寶積。前已標名。故此略之。求他覆
己。於心爲患。故喻癰瘡。同下。三正垂誠。初勸知果。
斷因。向謂語告。納猶入也。佛下次明違教造業。不
信能喪善根功德。故如燒焉。

故十誦云。未來世中。出家人入地獄。白衣生天者。以
俗人無法在身。但專信。故得生天也。出家有法。爲世
福田。乃反毀犯。妄受信施。開諸惡門。令多眾生習學
放逸。故。

次科十誦中。初引文。以下顯意。前明白衣生天。後
明出家入獄。一反道法。二妄受施。三令他習學。白

二分律

五
涅
盤
經

涅槃中。彼云。我涅槃後。濁惡世時。多有爲飢餓故。發心出家。名爲禿人。見有持戒威儀具足清淨比丘。護持正法。驅逐令出。若殺若害。若論罪行。且列五種。所謂貪欲瞋恚愛親求利慳嫉也。下指如鈔。